

ԿՐԹԱԿԱՆ

ԱՆՆԱԽԱԴԵՊ ԶԱՆՐԱԿՐԹԱԿԱՆ ԾՐԱԳԻՐ՝ ԶԲՈՍԱՇՐՋՈՒԹՅԱՆ ՈԼՈՐՏՈՒՄ

Վրաստանի կրթության, գիտության, մշակույթի եւ սպորտի նախարարությունը, զբոսաշրջության համաշխարհային կազմակերպության հետ միասին, Վրաստանում կիրականացնի աննախադեպ հանրակրթական ծրագիր: Վերոնշյալ համագործակցության հուշագիրը Մադրիդում ստորագրեցին Վրաստանի կրթության նախարար Միխեիլ Բատիաշվիլին եւ զբոսաշրջության համաշխարհային կազմակերպության գլխավոր քարտուղար Ջուրաբ Պոլոշին:

Ծրագիրը նախատեսում է զբոսաշրջության ոլորտում այնպիսի հանրակրթական նախագծերի իրականացում, ինչպիսիք են միջազգային մասշտաբներով հանրակրթական եւ տեխնոլոգիական խորհրդածոյվների անցկացումը եւ օնլայն ակադեմիայի հարթակի հիմնումը: Կիրականացվեն նաեւ տարբեր նախագծեր ինչպես հանրային աշխատողների, այնպես էլ՝ մասնավոր հատվածի աշխատակիցների համար:

Ինչպես հայտարարեց Միխեիլ Բատիաշվիլին, փոխհամագործակցության հուշագիրը նշանակալից պայմանագիր է, որը նախատեսում է տարածաշրջանային զբոսաշրջության ոլորտում երկրի զարգացում, նոր նախագծերի ձեռնարկում եւ, ՄԱԿ-ի զբոսաշրջության համաշխարհային կազմակերպության հովանու ներքո, զբոսաշրջության ոլորտում հանրակրթական ակադեմիայի հիմնում:

- Զամատեղ մշակված նորարարական նախագծերը կսկսվեն մոտ ապագայում: Դրանք մեծ նշանակություն կունենան, քանի որ Վրաստանում զբոսաշրջությունն արագորեն զարգանում է եւ զբոսաշրջության համաշխարհային կազմակերպության հետ իրականացված նախագծերը, առավել եւս կրթության ուղղությամբ, կնպաստեն ինչպես այդ ոլորտի զարգացմանը, այնպես էլ՝ զբոսաշրջության զարգացման ոլորտում, տարածաշրջանային հարկ վերածվելու Վրաստանի հեռանկարները, - հայտարարեց Միխեիլ Բատիաշվիլին:

Զուգահեռ ստորագրման արարողությանը կողմերը խոսեցին նաեւ նորարարական եւ թվային տրանսֆորմացիայի համապատասխան հանրակրթական նախագծերի մասին, որոնք իրականացվելու են զբոսաշրջության համաշխարհային կազմակերպության ակադեմիայի շրջանակներում: Կողմերը պայմանավորվածության հասան նաեւ հանրակրթական հաստատությունների եւ զբոսաշրջության ոլորտում ներառված տարբեր կազմակերպությունների արդյունավետ համագործակցության, համատեղ միջոցառումների անցկացման հարցում:



ՆԵՐԿԱՅԱՑՎԵՑԻՆ ԿՐԹԱԿԱՆ ԲԱՐԵՓՈԽՄԱՆ ՀԻՄՆԱԿԱՆ ՈՒՂՈՒԹՅՈՒՆՆԵՐԸ

Վրաստանի կրթության, գիտության, մշակույթի եւ սպորտի նախարար Միխեիլ Բատիաշվիլին շարունակում է շրջայցերը երկրի տարածաշրջաններում, որտեղ նա հանդիպումներ է ունենում կրթության եւ մշակույթի ոլորտի աշխատակիցների հետ, ներկայացնում՝ կրթական ոլորտում իրականացվող բարեփոխումների հիմնական ուղղությունները:

Նոյեմբերի 15-ին նախարարն այցելեց Քութայիսի Ակակի Ծերեթելու անվան պետական համալսարան: Բուհի ուսանողների եւ դասախոս-պրոֆեսորների հետ հանդիպմանը՝ Միխեիլ Բատիաշվիլին ներկայացրեց կրթության եւ գիտության ոլորտում իրականացվող բարեփոխումների ուղղությունները եւ այդ ոլորտում ներդրվելիք նորամուծությունները:

Ինչպես նշեց նախարարը, գերատեսչությունում ակտիվ աշխատանք է տարվում, բարձրագույն կրթության ոլորտում, այնպիսի մոդելի ստեղծման ուղղությամբ, որը արդյունավետորեն կհամակերպի բարձրագույն կրթության ծրագրերը աշխատանքային շուկայի պահանջների հետ: Կգործարկվի բարձրագույն կրթության ֆինանսավորման նոր մոդել եւ այն կողմնորոշված կլինի այնպիսի ուղղությունների եւ մասնագիտությունների ուղղությամբ, որոնք պահանջվում են երկրի զարգացման ու տնտեսական առաջընթացի համար:

Զանդիյան վերջում, հարցուպատասխանի կարգով, նախարարը պատասխանեց ուսանողներին եւ դասախոսներին հետաքրքրող բազում հարցերի:

Նոյեմբերի 16-ին Վրաստանի կրթության, գիտության, մշակույթի եւ սպորտի նախարար Միխեիլ Բատիաշվիլին նման հանդիպում ունեցավ նաեւ Բաթումիի Շոթա Ռուսթավելու անվան պետական համալսարանի ուսանողների եւ դասախոս-պրոֆեսորների հետ:

822 ՄԱՆԿԱՎԱՐԺԻ ՇՆՈՐՅՎԵԼ Է ԱՎԱԳ ՌԻՍՈՒՑԶԻ ԿԱՐԳԱՎԻՃԱԿ

Վրաստանի ուսուցիչների մասնագիտական զարգացման ազգային կենտրոնը ավարտեց հանրակրթական դպրոցների մանկավարժներին ավագ ուսուցչի կոչում շնորհելու գործընթացը:

Ինչպես տեղեկացրին կենտրոնից, այս տարի նման կարգավիճակ է շնորհվել 822 ուսուցչի, ովքեր հաջողությամբ հանձնել են մասնագիտական եւ առարկայական իրավասության քննությունը: Ընթացիկ տարվա նոյեմբերից ավելացած աշխատավարձ կտրվի նաեւ 226 ուսուցչի:

Կենտրոնի փոխտնօրեն Մամանա Ռատիանու հայտարարությամբ, այն ուսուցիչները, ովքեր չեն ստացել ավագ ուսուցչի կարգավիճակ, հաջորդ տարվա հունվարից կունենան կրկին այդ պաշտոնին հավակնելու հնարավորություն:



Դեղատուն / Հոգատարություն ընտանիքի նկատմամբ / Գեղեցկություն

Գների աննախադեպ գեղջ՝
մանկական բոլոր
ապրանքների վրա




Մանկական
օրեր՝ PSP-ի
դեղատներում

 Հատուկ գներ

 Նվերներ

 Քարտ ունեցողների համար

Յուրաքանչյուր երեքշաբթի, չորեքշաբթի եւ ուրբաթ օրերին՝
դեղորայքի ամենացածր գներ միայն PSP –ի դեղատներում

PSP-ն իմ ընտանիքի դեղատունն է

ՀԱՐՑ - ՊԱՏԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԱՌՈՂՋՈՒԹՅՈՒՆ

ՏԵՍՈՂՈՒԹՅՈՒՆԸ ՊԱՇՏՊԱՆՈՂ ՄԹԵՐՔՆԵՐ

22 տարեկանից սկսեցի ակնոց կրել: Ասում են, որ դա ժառանգական է, թեպետ, մյուս կողմից, եղբայրս, ահա արդեն 55 տարեկան է եւ կարողանում է առանց ակնոցի ընթերցել: Հետաքրքիր կլինե՞ր իմանալ, ինչպե՞ս կարելի է պաշտպանել տեսողությունը:



Ս.Մուրադյան

Ախալքալաքի

Միանգամից ասենք, որ այդ հարցում բնությունն է օգնության ձեռք մեկնում մարդկանց: Մասնավորապես, միտրատներով հարուստ բանջարեղենի ամենօրյա գործածումը նվազեցնում է տեսողության կորստի վտանգը: Ինչպես հայտնել է MedicalXpress-ը, այս եզրակացությանն է հանգել Ուեսթմիդի բժշկական հետազոտությունների ինստիտուտի գիտնականների խումբը: Հետազոտությանը, որը տեւել է 15 տարի, մասնակցել են Ավստրալիայի՝ 49-ից բարձր տարիքի ավելի քան երկու հազար բնակիչներ:

Պարզվել է, որ այն մարդկանց մոտ, ովքեր ամեն օր գործածել են 100-ից մին-

չել 142 միլիգրամ միտրատներով հարուստ բանջարեղեն, օրինակ՝ ճակնդեղ, սպանախ կամ կանաչ սալաթ, 35 տոկոսով քիչ են փստորոշել մակուլոդիստրոֆիա: Մակուլոդիստրոֆիան դեղին բծի քայքայումն է, որի դեպքում մահանում են ցանցաթաղանթի բջիջները սնուցող անոթները: Հենց այս հիվանդությունն է տարեց մարդկանց մոտ կուրության առավել տարածված պատճառներից մեկը: Ավելի վաղ, գիտնականները պարզել են, որ շաքարային գոնե մեկ անգամ ցիտրուսեղենի գործածումը կօգնի աչքի ցանցաթաղանթը պաշտպանելու կազմափոխությունից եւ, որպես հետեւանք՝ աչքի հետ կապված խնդիրներից:

ՄԱՍՆԱԳԵՏԻ ԽՈՐՀՈՒՐԴ

ՊԱՍՏՊԱՏՐԱՍՏՈՒՄ. ՕԳՆԵՔ ԵՐԵՒԱՆՅԻՆ

Որքան էլ երեխան կազմակերպված եւ ինքնուրույն լինի, միեւնույն է, ծնողները չեն կարողանում խուսափել փոքրիկների դասապատրաստումից: Կան երեխաներ, որոնց օգնում է ընդամենը մայրիկի ներկայությունը: Մի՛ շտապեք հուշել, բացատրել: Պարզապես կողքից դիտեք եւ գովեք: Պարապելիս, յուրաքանչյուր կես ժամը մեկ, անհրաժեշտ է 10 րոպեանոց ընդմիջումներ անել: Միայն թե հանգիստը պետք է չլինի հեռուստացույցի կամ համակարգչի առջեւ: Սովորեցրեք խաղալով: Կանոնները հեշտ են ընկալվում, եթե բանաստեղծական ռիթմով են ներկայացվում: Բացատրեք նկարելով, լուցկիներով, մի խոսքով, գործի դրեք երեւակայությունը:

Երեխային հնարավորություն տվեք ինքնադրսեւորվելու: Թույլ տվեք, որ շատ բաներ ինքնուրույն անի, նաեւ՝ սխալվի, իսկ հետո ինքն իր սխալն ուղղի: Բայց նաեւ վերահսկեք: Երեխան պետք է իմանա, որ երեկոյան իր տետրերը ստուգվելու են:

ԳԻՏԵՔ, ԱՐԴՅՈՔ...

ԱՄԵՆԱԺՈՂՈՎՐԴԱԿԱՆՈՒԹՅՈՒՆ ՎԱՅԵԼՈՂ ՄԵՔԵՆԱՆԵՐԸ



Աշխարհում առավել մեծ ժողովրդականություն վայելող ավտոմեքենան Toyota Corolla-ն է՝ բոլոր վերափոխակներով: Այդ մասին վկայում են Focus2move վերլուծական գործակալության տվյալները:

Այս տարվա առաջին յոթ ամսվա ընթացքում վաճառվել է 816 հազար 748 ավտոմեքենա: Երկրորդ տեղը զբաղեցրել է Ford F-Series-ը՝ 722 հազար 566 վաճառված օրինակներով: Երրորդ հորիզոնականը բաժին է հասել Volkswagen Golf-ին (572 հազար 772 վաճառված ավտոմեքենա): Դրանց հաջորդում են Honda Civic-ը (563 333) եւ Toyota RAV4-ը (561 601): Ինչպես նշում է գործակալությունը, երկու մակնիշներն էլ, մինչեւ տարեվերջ, կարող են հետ մղել Golf-ին: Նաեւ ժողովրդականություն վայելող ավտոմեքենաների տասնյակում հայտնվել են Volkswagen Tiguan-ը (539 463), Volkswagen Polo-ն (499 462), Honda CR-V-ը (460 904), Toyota Camry-ն (454 094) եւ Chevrolet Silverado-ն (430 708):

ՀԱՄԱԿՐԱՆՔԻՑ՝ ՀԱԿԱԿՐԱՆՔ ԵՎ ՀԱԿԱՌԱԿԸ

(Սկիզբը՝ նախորդ համարում)

ՍԵՐ ԹԵ՞ ԿԱՊԱԾՈՒԹՅՈՒՆ

Հաճախ երգերում, հայտնի մարդկանց հարցազրույցներում, գրական ստեղծագործություններում (հատկապես պոեզիայում), անգամ գովազդում կարելի է լսել այնպիսի նախադասություններ, ինչպիսիք են՝ «Ես առանց քեզ չեմ կարող», «Դու իմ կյանքն ես», «Առանց քեզ ես կմահանամ», «Դու ինձ պետք ես օդի պես» եւ այլն: Եվ շատերն այս նախադասություններն ընկալում են որպես իրական սիրո չափանիշ եւ երազում՝ ա՛յ թե ես էլ հանդիպեի մեկի, ով ինձ նման կերպ կվերաբերվեր: Դեպի հասունություն եւ ինքնուրույնություն ուղղորդող հոգեբանության տեսանկյունից՝ նման արտահայտություններն են ներշնչում ուրիշ մարդուց կախվածության տանող հարաբերությունների հնարավոր զարգացում: Եթե դուք սովոր եք ձեր սերն արտահայտել այս կերպ, ապա ուշադրություն դարձրեք, թե արդյո՞ք նույն կերպ են հնչում «Ես չեմ կարող առանց քեզ» եւ «Ես ցանկանում եմ քեզ հետ լինել» արտահայտությունները: Բարձրաձայն

կամ մտքում արտասանեք դրանք եւ ուշադրություն դարձրեք դրանց հանդեպ ձեր ռեակցիային: Դրանցից ո՞րի հետ եք համաձայն: Ո՞րի հանդեպ եք կասկած կամ անվստահություն զգում: Ո՞րի հետ եք ցանկանում վիճել: Ժամանակն է մի քիչ գրուցել «կախվածություն»



հասկացության մասին: Իրական կամ առաջնային կախվածությունը մարդուն կապում է մի բանի հետ, ինչը գտնվում է նրանից դուրս, եւ առանց որի նրա գոյությունը դատապարտված է մահվան:

Օրինակ՝ դուք չեք կարող ապրել առանց թվածոյի, ջրի, սննդի, առանց որոշակի կենսական կարեւոր օրգանների, ինչպիսիք են ուղեղը, թոքերը, լյարդը եւ այլն:

Դուք իրոք կմահանաք, եթե զրկեն այդ ամենից: Դուք իսկապես կդադարեք գոյություն ունենալ: Իսկ այժմ, ինչպես ասում են, զգացի՞ք տարբերությունը, հոգեբանական կախվածությունը բնորոշվում է՝ առանց այս կամ այն օբյեկտի գոյատեւելու անհնարինության մեջ

սուբյեկտիվ համոզվածությամբ: Եթե դուք ցանկանում եք ասել՝ «Ես չեմ կարողանում առանց...» եւ դա թվածոն, ջուր, սնունդ կամ օրգան չէ, ուրեմն դուք կախվածության մեջ եք գտնվում տվյալ օբյեկտից կամ մարդուց: Դուք նրա հետ կապված եք այն պատրանքով, որ վերջինս ինչ-որ ուժի է տիրապետում, իր մեջ ունի մի որակ, որը չունեք դուք: Պատրանք, որ նա ձեզ երջանիկ է դարձնում, իսկ ձեր կյանքը՝ լիարժեք: Այստեղ ծագում է տրամաբանական հարց. «Ուրեմն, դուք ինքներդ ձեզնով չե՞ք կարող երջանիկ լինել, իսկ ձեր կյանքը՝ լիարժեք»: Բացի այդ, ամեն մարդու չէ որ, հաճելի է գիտակցել, որ ինքն ինչ-որ մեկի, թեկուզեւ շատ սիրելիի, կյանքի կենտրոնն է, ինչն ընկալվում է որպես ուրիշի երջանկության համար ստիպողական պատասխանատվություն:

ՀԱՎԱՏԱՅՔԻ ԶԵՐ ՈՒԺԵՐԻՆ

ԱՌԱՆՑ ՀԵՏԱԶԳԵԼՈՒ ԳՈՐԾԻ ԱՆՑԵՔ

Եթե դուք ցանկանում եք ինչ-որ մի գեղեցիկ օր որեւէ մեծ գործ ձեռնարկել, հիշեք՝ այդ գեղեցիկ օրն այսօր է:

- ✓ Հավատացեք ձեր հաջողությանը՝ անկախ ամեն ինչից: Կա կյանքն ապրելու ընդամենը երկու ձև: Առաջին՝ մտածում եք, որ հրաշքներ չեն լինում: Երկրորդ՝ շուրջն ամենուր հրաշքներ են:
- ✓ Թեկուզ ընդամենը մեկ ժամ տրվեք ձեր երազանքներին, բայց՝ ամեն օր: Ձեր հաջողության գրականը ամենօրյա աշխատանքն է: Բոլոր «լավ ժամանակներն» էլ անցյալում ձեր համառ աշխատանքի եւ մշտական անձնագոհության արդյունքն են: Այն, ինչ անում եք այսօր, վաղվա արդյունքների գրավականն է:

ԹԵՎԱՎՈՐ ՄՏՔԵՐ

Մի լավ գիրք կարող է փրկել մի ամբողջ ազգ:

ՐԱՖՖԻ (1835-1888)
Հայ գրող

Սիրող մարդու կախարդիչ ձեռքով՝ տատասկն անգամ կփոխվի ծաղկի:

ԻՈՍԵՔ ԳՐԻՇԱՇՎԻԼԻ (1889-1965)

Վրաց բանաստեղծ

Երբեք ուրիշներին մի՛ անհանգստացրու այն բանի համար, ինչ ինքդ էլ կարող ես անել:

Լ.ՏՆՆԻՍՅԱՆ (1828-1910)
Ռուս գրող

Հափշտակել ուրիշի հաճույքը՝ հետամուտ լինելով քոնին,

արդարացի չէ:

ԹՈՄԱՍ ՄՈՐ (1478-1535)
Անգլիացի գրող

Այն, ինչ մնացել է մեր կյանքի հետագծում եւ այն, ինչ մեզ սպասվում է առջեւում, մեր այժմյան կյանքի հայելային արտացոլանքն է:

ՌԱՆԱ ՌՈՒՆԴՈ ԷՄԵՐՍՈՆ (1803-1882)

Ամերիկացի էսսեիստ, փիլիսոփա

Շատ բան չունենալով էլ՝ մարդ կարող է յուր գմալ, միայն՝ ոչ առանց մարդու:

Օ.ԲԱԼԶԱԿ (1799-1850)
Ֆրանսիացի գրող

Ոչ ոք չի կարող դատել ուրիշների մասին, քանի դեռ չի սովորել դատել ինքն իր մասին:

Ի.ԳՅՈՐԹԵ (1749-1832)

Գերմանացի մեծ քնարերգու

Դեկավարը իրավունք չունի դատելու հասարակությանը իր սխալի համար, քանի որ այդ հասարակությունն է իրեն ընտրել, բայց հասարակությունը երկավարին դատելու իրավունք ունի՝ թեկուզ նրա մահից հետո:

ԼՈՌԱՆԴ ԵՋՈՅԱՆ

Ախալքալաքի



ԱՆԵԿԴՈՏՆԵՐ

աչքերով:

- Խնդիր չկա, դատավոր ջան:
- Ե՞րբ եք ծնվել:
- Էտ մեկն արդեն չեղավ, դատավոր ջան, ըդիկ չեմ տեսել:

© Պետավտոստեսունը կանգնեցնում է դարաբաղուն.

- Խախտում եք կատարել:
- Հա... ես դարաբաղի եմ, ներե՛ք, ես քշեմ գնամ:
- Շատ հաճելի է, որ դարաբաղի եք, բայց ձեր փա-

տաթերըր տվե՛ք, պետք է խախտումն արձանագրեն:

- Ախպե՛ր ջան, լավ չե՞ս հասկանում, ասում եմ՝ դարաբաղի եմ, ինձ ների՛, քշեմ գնամ:
- Ինձ համար տարբերություն չկա:
- Ո՞նց թե տարբերություն չկա.
- Լսե՛, դու երեւանում ես դարաբաղի, մենք հիմա՝ դարաբաղում ենք:
- © Ուսուցիչը հարցնում է աշակերտին:
- Բանջարաբուստանա-

յին կուլտուրաների մեջ ինչե՞ր են մտնում:

- Որ չափառապատած չլինի, էշն էլ կմտնի:
- © Երիտասարդը՝ քահանային.
- Տե՛ր հայր, Ալմաստն արդեն երրորդ աղջիկն է, որ մերժում է ինձ:
- Հրաշալի է, որդի՛ս, բայց մի՛ կարծիր, թե բախտդ միշտ այդպես բերելու է:
- © - Կարո՞ղ է 12 վոլտանոց մարտկոցը սպանել մարդուն:
- Այո, եթե մարտկոցը պահարանի գլխից ընկնի մարդու գլխին:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՄՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

«ԲԻԶՆԵՍ ՄԻՋԱՎԱՅՐ ԵՎ ՆԵՐԴՐՈՒՄՆԵՐ. ՄԱՐՏԱՅՐԱՎԵՐՆԵՐ ԵՎ ԼՈՒԾՈՒՄՆԵՐ» ՀԱՆԴԻՊՈՒՄԸ՝ ԳՈՐԾԱՐԱՐՆԵՐԻ ՀԵՏ

(Սկիզբը՝ 1-ին էջում)

Մասնավորապես, վարչապետն առանձնակի կանգ առավ ստվերային աշխատավարձերի թեմայի վրա: «Հաշվապահությունում գրված է, որ աշխատողը ստանում է 80 հազար դրամ, սակայն, իրականում ստանում է 160 կամ 200 հազար դրամ: Հիմա այսպիսի իրավիճակում չկա շահագրգռվածություն, որ իրական աշխատավարձը գործատունն ցույց տա: Մենք հիմա հարկային պահը համահարթեցնում ենք, որպեսզի շահագրգռենք մարդկանց իրական աշխատավարձերը գրանցելու համար»,- ասաց Նիկոլ Փաշինյանը եւ հավելեց, որ առաջիկա 5 տարում եկամ-

տահարկի շեմն իջնելու է մինչեւ 20 տոկոս: Կուտակային կենսաթոշակների քաղաքականության արդյունքում, արդեն մարդկանց աշխատավարձը որոշակի բարձրացրել ենք: Նա նշեց, որ հարկային քաղաքականության արդյունքում նախատեսվում են 50 մլրդ դրամ թողնել մարդկանց գրապանում:

Իր խոսքում, երկրի նախագահը, Հայաստանում ներդրումներ կատարելու, բիզնես սկսելու համար, լավ նախադրյալ է համարում երկրի բանկային եւ ֆինանսատնտեսական համակարգի կայունությունը: «Ես ամեն առիթով ասում եմ, որ Հայաստանում հեղափոխություն եղավ, բայց մեր դրամն ու բանկային հա-

մակարգը անփոփոխ մնացին: Սա հսկայական առավելություն է մարդկանց գիտակցության մեջ, որ Հայաստանը կայուն տնտեսական համակարգ ունի, եւ, եթե Հայաստանում արժույթը եւ բանկային համակարգը դրամատիկ փոփոխությունների ընթացքում կայուն են մնում, հետեւաբար կարելի է երկրին վստահել»,- ասաց Հայաստանի նախագահը: Արմեն Սարգսյանը կարծիք հայտնեց, որ այս տարվա ապրիլյան դեպքերը Հայաստանին բարձրացրեցին ամենաբարձր մակարդակի, որովհետեւ, այսօրվա անկայուն աշխարհում, մարդկային, գեղեցիկ ձեռքով տեղի ունեցող գործընթացները դառնում են արժե-

քավոր: «Հայաստանն այսօր, ինչ-որ իմաստով, յուրօրինակ, ունիկալ երկիր է, որտեղ մեծ փոփոխություն է տեղի ունեցել, պատմական փոփոխություն, հեղափոխություն է տեղի ունեցել, բայց՝ շատ պարզ եւ մարդկային ձեռով: Եվ մենք, ինչ-որ իմաստով, յուրօրինակ ենք, որովհետեւ անկայուն աշխարհում կա մի տեղ, որտեղ իր ձեռով հեղափոխություն է կատարվել: Այսինքն, սա ամենաբարձր մակարդակն է գործարար շրջանակներում մարդկանց գիտակցության մեջ, որ Հայաստանը տարբեր է, յուրօրինակ է, հետեւաբար Հայաստանի նկատմամբ վերաբերմունքն է տարբեր»,- ընդգծեց Արմեն Սարգսյանը:

2019 ԹՎԱԿԱՆԻ ՊԵՏԱԿԱՆ ԲՅՈՒՋԵԻ ՆԱԽԱԳԻԾՆ ԸՆԴՈՒՆՎԵՑ

Նոյեմբերի 22-ին, Հայաստանի ազգային ժողովն ընդունեց 2019-ի պետական բյուջեի մասին նախագիծը: Նախագծին կողմ քվեարկեց 66 պատգամավոր, դեմ՝ 4, ձեռնպահ՝ 2:

Դեմ քվեարկողների թվում էին հանրապետական պատգամավորներ Էդուարդ Շարմազանովը, Արփիմե Հովհաննիսյանն ու Արմեն Աշոտյանը, ովքեր մինչեւ քվեարկությունը հայտարարել էին իրենց դեմ քվեարկելու մասին:

- Չնայած այն հանգամանքին, որ ՀՀ-ն հայտարարել է կողմ քվեարկելու մասին, ես դեմ եմ քվեարկելու: Սա ինքնակամ բյուջե է, եւ ես դեմ եմ քվեարկելու նախագծին,- հայտարարեց Էդուարդ Շարմազանովը: Սակայն ՀՀ խմբակցության ղեկավար Վահրամ Բաղդասարյանն ասաց, որ իրենց դիրքո-

րոշումը չի փոխվել, բայց որոշ պատգամավորներ ազատ են քվեարկության հարցում:

«Ծառուկյան» խմբակցության պատգամավոր Տիգրան Ուրիխանյանը նշեց, որ անհավասարության մթնոլորտը դրսևորվել է նախորդ տարիների բյուջեների նախագծերով: «Մեր խմբակցությունն իր աջակցությունն է ցուցաբերում՝ գործող կառավարության կողմից ստանձնած պարտավորությունների իրականացման համար»,- նշեց նա:

Աժ հերթական նիստերում ՀՀ, ՀՀԴ եւ «Ծառուկյան» խմբակցությունները



հայտարարել էին, որ կողմ են քվեարկելու բյուջեի նախագծին: ՀՀ վարչապետի պաշտոնակատար Նիկոլ Փաշինյանը բյուջեի նախագիծը բնորոշել էր՝ որպես ինքնակամ: Նրա հավաստմամբ՝ բյուջետային քաղաքականության հիմքում դրված է աշխատանքի խրախուսման քաղաքականությունը:

ԱՋԱՂԵԿ ԱՎՏՈՄԵՔԵՆԱՆԵՐԻ ՆԵՐԿՐՈՒՄԸ ԿԹՈՒՅԼԱՏՐՎԻ ՈՐՈՇԱԿԻ ՊԱՅՄԱՆՈՎ



Տրանսպորտի, կապի եւ տեղեկատվական տեխնոլոգիաների նախարարությունը պատրաստում է կառավարության որոշման նախագիծ, ինչը հնարավորություն կտա ներկրել աջ ղեկով ավտոմեքենաները՝ դրանք մեկ տարվա ընթացքում վերա-

սարքավորելու պայմանով: Այդ մասին ասաց տրանսպորտի, կապի եւ տեղեկատվական տեխնոլոգիաների նախարարի պաշտոնակատար Հակոբ Արշակյանը:

Հարցին, թե ավելի վտանգավոր չէ՞ ղեկի տեղափոխումը, քան հենց աջ ղեկով շահագործումը, Հակոբ Արշակյանը պատասխանեց. «Վարորդներն իրենք ասում են, որ, այսպես թե այնպես, մենք

Վրաստանում փոխում ենք այդ մեքենաները: Ասեմ, որ ղեկը փոխելու ձեռքը կան: Կա, որ էժան եւ սխալ ձեռով են փոխում եւ կա սերտիֆիկացված, ճիշտ ձեռով փոխելու հնարավորություն: Ես առաջարկում եմ վերջին տարբերակը»,- ասաց նա՝ ավելացնելով, որ հետագայում նախարարությունը փոխելու է մեքենաների տեխնանոլոգիաները տալու ընթացակարգը

եւ այն համապատասխանեցնելու է մեքենայի իրական տեխնիկական վիճակին:

«Այդ ժամանակ մենք ղեկային համակարգը պարտադիր ստուգելու ենք, առաջնահերթությունը տալու ենք ղեկային եւ արգելակման համակարգերին: Եվ եթե այդտեղ խնդիր եղավ, այդ մեքենան տեխնոլոգիաներ չի անցնելու»,- ասաց նախարարի պաշտոնակատարը:

ՀԱՅԿԱԿԱՆ ԴՐԱՄԸ 25 ՏԱՐԵԿԱՆ Է

1993 թվականի նոյեմբերի 22-ին Հայաստանի Հանրապետության տարածքում ներդրվեց ազգային արժույթը՝ դրամը, որով դադարեցվեց խորհրդային եւ ռուսական դրամանիշերի շրջանառությունը:

Դրանով հիմք դրվեց Հայաստանի հիմնական ֆինանսական կառույցներին, այդ թվում՝ նաեւ բանկային համակարգին:

Քառորդ դար առաջ ներդրվեցին 10, 25, 50, 100 եւ 200 դրամ անվանական արժեքներով թղթադրամներ, իսկ արդեն մեկ տարի անց՝ 1994-ին՝ 10, 20, 50 լումա եւ 1, 3, 5, 10 դրամ անվանական արժեքներով մետաղադրամները: Առաջին թղթադրամներից 5 տարի անց՝ շրջանառության մեջ դրվեցին 1000 դրամ եւ 5000 դրամ անվանական արժեքով թղթադրամները: Ի դեպ, հայկական թղթադրամները կարելի է դասել աշխարհում ամենատարակալների ու ամենապաշտպանվածների շարքին: Հայաստանում պետական դրամատպարանի եւ դրամահատարանի բացակայության պայմաններում Հայաստանի կենտրոնական բանկի կողմից թողարկված շրջանառու թղթադրամներն ու մետաղադրամները պատրաստվում են արտերկրում: Հայաստանի կենտրոնական բանկը համագործակցել է մի շարք հեղինակավոր ընկերությունների եւ դրամահատարանների հետ:

Հայկական դրամի թողարկման 15-ամյակի կապակցությամբ, 2008 թվականին, Կենտրոնական բանկի դիմաց տեղադրվեց դրամին նվիրված եւ դրամը խորհրդանշող բրոնզե արձանը: Հեղինակը քանդակագործ Էդուարդ Շախիկյանն է:

Այս տարի մայիսին, Շուշիում բացվեց հայկական դրամի թանգարանը, որտեղ ցուցադրվում են Ծոփքի հայկական թագավորության, Արտաշեսյան դինաստիայից՝ Տիգրան Մեծի, Արտավազդ Բ-ի, Կիլիկյան Հայաստանի, ռուսական կայսրության եւ ԽՍՀՄ ժամանակաշրջանների մետաղադրամներ ու թղթադրամներ: Թանգարանում առանձին ներկայացված են Տիգրանակերտ քաղաքից հայտնաբերված մետաղադրամներ, Շուշի քաղաքում 18-րդ դարի վերջին եւ 19-րդ դարասկզբին գործած դրամահատարանում հատված արծաթե մետաղադրամներ, ինչպես նաեւ՝ ՀՀ կենտրոնական բանկի կողմից Արցախին նվիրված տարբեր տարիների թողարկված հուշադրամները:



ԲԱՐԵՎԱՏՈՒԹՅԱՆ ՀՈՒՆԱԳԻՐ՝ ԵՐԵՎԱՆԻ ԵՎ ԻՆ ՂԵ ՖԻՆԱՆՍԻ ՄԻՋԵՎ



Երեւանի քաղաքապետ Հայկ Մարությանը հանդիպել է Իլ դը Ֆրանսի շրջանային խորհրդի նախագահ Վալերի Պեկրեսի գլխավորած պատվիրակության հետ, որը նոյեմբերի 17-ից քաղաքապետի հրավերով գտնվում է Երեւանում: Պաշտոնական հանդիպմանը հաջորդեց Երեւան քաղաքի եւ Իլ դը Ֆրանսի շրջանային խորհրդի միջեւ համագործակցության համաձայնագրի 2018-2021թթ. համար ճանապարհային քարտեզի ստորագրման արարողությունը: Փաստաթուղթը ստորագրել են Հայկ Մարությանը եւ Վալերի Պեկրեսը:

Երեւանի եւ Իլ դը Ֆրանս շրջանի միջեւ բարեկամական կապերի ամրապնդման գործում ունեցած մեծ ավանդի համար՝ Հայկ Մարությանը Իլ դը Ֆրանսի շրջանային խորհրդի նախագահ Վալերի Պեկրեսին պարգևատրել է Երեւանի քաղաքապետի ոսկե մեդալով:

ՀԱՄԱՆԵՐՄԱՆ ԳՈՐԾԵՆԵԱԾԸ ՇԱՐՈՒՆԱԿՈՒՄ Է

2018 թվականի նոյեմբերի 6-ից ուժի մեջ մտած «Էրեբունի-Երեւանի հիմնադրման 2800-ամյակի եւ Հայաստանի Առաջին Հանրապետության անկախության հռչակման 100-ամյակի կապակցությամբ քրեական գործերով համաձայնեցնող հայտարարելու մասին» Հայաստանի օրենքի շրջանակներում, նոյեմբերի 21-ի դրությամբ, ազատ է արձակվել 509 դատապարտյալ:

ՇԱԳԵԼ Է ԷԼԵԿՏՐՈՆԵՐԳԻԱՅԻ ՍԱԿԱԳՆԻ ՆԵՐԱՐԱՐՈՒԹՅՈՒՆ

Համապատասխան ռեզերվներ հայթայթելու դեպքում փետրվարի 1-ից հնարավոր կլինի էլեկտրաէներգիայի սակագինը Հայաստանում նվազեցնել 3-3.5 դրամով: Այս մասին ասաց Գազի եւ էլեկտրաէներգիայի սակագնի հարցերը քննելու համար ստեղծված քննիչ հանձնաժողովի նախագահ Սիբայել Մելքումյանը՝ ամփոփելով հանձնաժողովի 1 ամսվա աշխատանքները: Նրա խոսքով, էլեկտրաէներգիայի սակագինը 5 դրամով իջեցնելու համար, անհրաժեշտ է 27 մլրդ դրամ: Այսինքն՝ սակագնի իջեցման համար պետք է հայթայթվեն ռեզերվներ:

ՎԱՐԵՐԱՅՎԵԼ Է 3 ՏՈՒՈՍ ՏԵՏԱՍԿԱՆ ԱՋ

Երկամսյա ցածր ցուցանիշներից հետո տնտեսական ակտիվությունը հոկտեմբեր ամսին կրկին բարձրացել է՝ կազմելով 3 տոկոս:

Հայաստանի ազգային վիճակագրական կոմիտեի տվյալներով, 2018թ.-ի հոկտեմբեր ամսին, նախորդ տարվա նույն ամսվա համեմատ, տնտեսական ակտիվության ցուցանիշը կազմել է 3 տոկոս: Ընդ որում, ընթացիկ տարվա հունվար-հոկտեմբեր ամիսներին, նախորդ տարվա նույն ժամանակահատվածի նկատմամբ, տնտեսական ակտիվությունը բարձրացել է 6%-ով: Ցուցանիշի բարձրացմանը հոկտեմբեր ամսին կրկին ամենաշատը նպաստել է ծառայությունների (16.6%), արդյունաբերության (8.1%) եւ առևտրի (5.8%) ոլորտներում գրանցված աճը: Միևնույն ժամանակ էականորեն կրճատվել է գյուղատնտեսության ոլորտի համախառն արտադրանքի ծավալը՝ նախորդ տարվա հոկտեմբեր ամսվա ցուցանիշի նկատմամբ նվազելով 22.1%-ով:

ԵԿԵՂԵՑԱԿԱՆ

ՆՈՅԵՄԲԵՐ

26.11.2018. Սուրբ Դու-
լիանն եւ Վասիլուհի կույ-
սերի հիշատակության օր



27.11.2018. Սուրբ Դու-
կիանոս քահանայի, Տա-
րագրոս, Պրոքոս եւ Անդ-
րոնիկոս վկաների եւ Սուրբ
Պողոս առաքյալի աշա-
կերտ Ոնեսիմոսի հիշա-
տակության օր

29.11.2018. Սուրբ Կղեմեն Դայրապետի եւ
Բագարատ Տոռոնեմա եպիսկոպոսի հիշատա-
կության օր

ՏՐԱՆՍՊՈՐՏ

ԱՌԱՏ ՏԵՂՈՒՄՆԵՐԻ ՊԱՏՃԱՌՈՎ ԼԱՐՍԸ ԲԵՌՆԱՏԱՐՆԵՐԻ ՀԱՄԱՐ ԿՐԿԻՆ ՓԱԿՎԵԼ Է

Ինչպես
տեղեկաց-
րել է Վրաս-
տանի են-
թակառուց-
վածքների
նախարա-
րության
ճանապար-
հային ղեկա-
րտամենտը,



նոյեմբերի 22-ի դրու-
թյամբ, ձյան առատ տեղումների եւ մերկասա-
ռույցի պատճառով, կցորդիչով եւ կիսակցոր-
դիչով բեռնատարների համար, այժմ փակ է Վե-
րին Լաքս տանող Գուդաուրի-Կոբի ճանապար-
հահատվածը:

Մարդատար տրանսպորտային միջոցների
համար ճանապարհը բաց է:

Անցակետի ռուսական կողմում կա բեռնա-
տարների 3 կմ երկարությամբ հերթ:

Վրաստանի տարածաշրջանային զարգաց-
ման եւ ենթակառուցվածքների նախարարության
ճանապարհների վարչությունը հորդորում է՝ եր-
թեւեկել միայն ձմեռային անվադողերով:

ՄԱՆԿԱԿԱՆ ԵՎՐԱՏԵՍԻԼ 2018

ԵՐԳԻ ՓԱՌԱՏՈՆՈՒՄ ՎՐԱՍՏԱՆԸ ԿՆԵՐԿԱՅԱՑՆԻ ԹԱՄԱՐ ԷԴԻԼԱՇՎԻԼԻՆ, ԻՍԿ ՀԱՅԱՍՏԱՆԸ՝ L.E.V.O.N-Ը



Մանկական Եվրատեսիլ երգի 16-րդ մրցույթը հյու-
րընկալում է Բելառուսը:

Մասշտաբային շուրմ
անցկացվելու է նոյեմբերի
25-ին, Մինսկում: Մրցույ-
թին մասնակցում է 20 երկ-
րի ներկայացուցիչ: Մաս-
նակիցների թվում են նա-
եւ Վրաստանի եւ Հայաս-
տանի ներկայացուցիչները՝
Մանկական Եվրատեսիլի վրաս-
տանցի թամար Էդիլաշվիլին՝ «Զո ձայնը» երգով հանդես
կգա 13-րդ համարի ներքո, Հայաստանի Հանրային հեռուս-
տատեսության «Դեպի Մանկական Եվրատեսիլ» նախագի-
ծի հաղթող L.E.V.O.N-ը համանուն երգով ելույթ կունենա 17

համարի ներքո:

Նշենք, որ, վիճակահա-
նության համաձայն, փա-
ռատունը բացելու է Ուկրաի-
նայի ներկայացուցիչը, իսկ
վերջինը ելույթ է ունենա-
լու լեհ մասնակիցը: Մաս-
նակիցների թվում են Պորտուգալիայի, Ղազախստանի, Ալ-
բանիայի, Ռուսաստանի, Նիդերլանդների, Ադրբեջանի, Բե-
լառուսի, Իռլանդիայի, Սերբիայի, Իտալիայի, Ավստրալիա-
յի, Իսրայելի, Ֆրանսիայի, Մակեդոնիայի, Ուելսի, Մալթայի
եւ Լեհաստանի ներկայացուցիչները:



ՖՈՒՏԲՈԼ

ՎՐԱՍՏԱՆԸ՝ «ԵՎՐՈ-2020»-Ի 4-ՐԴ, ԻՍԿ ՀԱՅԱՍՏԱՆԸ՝ 5-ՐԴ ՋԱՄԲՅՈՒՂՈՒՄ



Ազգերի լիգա-
յի խմբային մր-
ցաշարի ավար-
տից հետո անց-
կացված վիճա-
կագրության հա-
մաձայն՝ D խմբի
առաջին ենթախմ-
բի հաղթող Վրաս-
տանի թիմը Ալբանիայի, Չեռնոգո-
րիայի, Կիպրոսի, Ռումինիայի, Հու-
նաստանի, Լիտվայի, Էստոնիայի,
Սլովենիայի եւ Հունգարիայի հետ
ընդգրկվել է Եվրոպայի 2020 թվա-
կանի առաջնության 4-րդ զամբ-
յուղում: D խմբի 4-րդ ենթախմբում
երկրորդ տեղը գրաված Հայաս-
տանի ազգային ընտրանին՝ Ադր-
բեջանի, Ղազախստանի, Մոլդո-
վայի, Ջիբրալթարի, Ֆարերյան կղ-
զիների, Մակեդոնիայի, Կոսովոյի,
Բելառուսի, Լյուքսեմբուրգի հավա-
քականների հետ միասին, հայտն-

վել է 5-րդ զամբյուղում:

Ըստ վիճակահանության՝ 1-ին
զամբյուղում են Խորվաթիան, Պոր-
տուգալիան, Իտալիան, Անգլիան,
Շվեյցարիան, Նիդերլանդները,
Ֆրանսիան, Իսպանիան, Լեհաս-
տանը եւ Բելգիան: 2-րդ զամբյու-
ղում են Ռուսաստանը, Ուելսը, Իս-
լանդիան, Ուկրաինան, Դանիան,
Բոսնիա եւ Հերցեգովինան, Շվե-
դիան, Գերմանիան, Ավստրիան եւ
Չեխիան: 3-րդ զամբյուղում են
Շոտլանդիան, Թուրքիան, Հյուսիս-
սային Իռլանդիան, Նորվեգիան,
Սերբիան, Սլովակիան, Ֆինլանդի-
ան, Բուլղարիան, Իռլանդիան եւ
Իսրայելը: 6-րդ զամբյուղում են Ան-
դորան, Սան Մարինոն, Լատվիան,
Լիխտենշտեյնը, Մալթան:

«Եվրո-2020» վիճակահանու-
թյունը կկայանա դեկտեմբերի 2-
ին, Իռլանդիայի մայրաքաղաք
Դուբլինում:

ՍՏՈՒԳԱՏԵՍ

ԳՅՈՒՂԱՏՆՏԵՍԱԿԱՆ ՄԻՋԱԶԳԱՅԻՆ ՑՈՒՑԱՀԱՆՆԵՐ ԹԲԻԼԻՍԻՈՒՄ

Թ Բ Ի Լ Ի Ս Ի Ի
«ExpoGeorgia»-ի ցու-
ցահանդեսային կենտ-
րոնի տարածքում բաց-
վեց գյուղատնտեսու-
թյան, սննդի արդյունա-
բերության, վերամշա-
կող եւ փաթեթավորող տեխնոլոգիաների AgroFood/Drink/Tech
18-րդ միջազգային ցուցահանդեսը:



Ցուցահանդեսային վահանակներին ներկայաց-
ված է 14 երկրի շուրջ 120 ընկերություն: Մասնա-
կիցների թվում են նաեւ Հայաստանը ներկայաց-
նող ընկերությունները:

Ցուցահանդեսը բացեց միջավայրի պաշտպա-
նության եւ գյուղատնտեսության նախարարի առա-
ջին տեղակալ Նոդար Կերեսելիձեն:

«Agro/Food/Drink/Tech 2018»-ին ցուցադրված
են գյուղատնտեսային տեխնիկա, մեքենա-հաս-
տոցներ, ջերմոցային տնտեսության տեխնոլոգիա-
ներ, ոռոգման համակարգեր, լաբորատոր սարքա-
վորումներ, սերմացու նյութեր, պարարտանյութ եւ
թունաքիմիկատներ:

	1	2	3		4	5	6		
7				8	9				
			10						
11	12				13	14		15	
	16			17					
			18			19	20		21
22		23			24				
		25	26						
27	28				29	30		31	
			32						
33	34					35		36	
	37				38	39			
			40	41	42		43		
44	45	46	47			48			
	49				50		51	52	
53				54		55		56	
		57			58				

ԽԱՆՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻՉՈՆԱԿԱՆ

7.Համամիտ: 9.Երբիներանգ:
10.Երկրորդ նախաճաշ: 11.Քաղաք Չեխիայում:
13.Ծառաթփային բուսականության գերակշռու-
թյամբ կենսաբանական բազմազանության ամ-
բողջություն: 16.Հացահատիկ ծեծելու վայրը:
17.Հայ ճարտարապետ, ակադեմիկոս ... Թորոս-
յան: 19.Առանց խոհերի: 22.Ռուս մարմնամարզու-
հի ... Կաբաեւա: 24.Աֆրիկական երկիր: 25.Նա:
27.Բույս, որի սերմից եթերայուղ է ստացվում:
29.Հավասարակշռությունը պահպանող ծանրու-
թյուն մավերի մեջ: 32.Նահանգ ԱՄՆ-ում: 33.Ար-
հեստական կառույցի արտադրող գործարան երեւա-
նում: 35.Թունավոր, խոշոր օձ: 37.Երկկճղակա-
վոր կենդանի: 39.Իտալացի բանաստեղծ ... Ալի-
գիերի: 40.Ֆրանսիական ավտոմեքենա: 43.Ամե-
րիկահայ մոդել եւ դերասանուհի ... Քարոլաշյան:
44.Ձիու մեջքին դրվող մստեղու հարմարանք:
47.Ձապորոժյան ...: 49.Վրացի գրող ... Գելաշվի-
լի: 50.Գետ Հայաստանում եւ ԼՂՀ-ում: 53.Հնձած
հացաբույսի կապույտ: 54.Աչքի վերելում: 55.Վեգի՝
ճանի կենսանման փոստրակով երեսը: 57.Սեկ ու-
րիչ: 58.Քիմիական տարր:

ՈՐՈՂԱՆԱԿԱՆ. 1.Բարձրակրունկ սրաքիթ ունա-

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻՉՈՆԱԿԱՆ

1.Ձարդարյան: 6.Շերան: 9.Անի: 10.Ռեպ: 11.Շիրազ: 12.Բար: 13.Այծ: 14.Բալ: 16.Թեա:
17.Արթիկ: 19.Պիզա: 21.Ան: 22.Անասիման: 24.Հուրոն: 25.Անդրե: 26.Օթյակ: 28.Ար: 29.Եղեգ: 31.Նեմրա:
32.Վագ: 33.Իկ: 34.Արուս: 37.Ավագ: 40.Կիրո: 41.Ձառ: 42.Տյուսաբ: 45.Արայիկ: 47.Գարուն: 48.Սերեմադ:
50.Տամա: 51.Նալ: 52.Իվանե:
ՈՐՈՂԱՆԱԿԱՆ. 1.Ձուռնա: 2.Րոպե: 3.Արշտա: 4.Յորթ: 5.Նազանի: 6.Շինծու: 7.Րաբունի: 8.Մուրացան:
14.Բալասան: 15.Լայմա: 16.Թինաթին: 18.Թոնդրակ: 19.Պարթեական: 20.Ձանգեզուր: 23.Անարի:
24.Հեռու: 27.Կեչառիս: 30.Ղարիբ: 35.Սոսկալի: 36.Արագվի: 37.Ազատ: 38.Վայ: 39.Գուրամ: 42.Տգետ:
43.Յանա: 44.Սուրան: 46.Կեն: 49.Ինկ:

Խմբագրի տեղակալ՝
ՅՈՒՐԻ ՊՈՂՈՍՅԱՆ

Մեր հասցեն՝ Թբիլիսի 0105
Գ.Աթոնելի փ. 5 հեռ. 2990-739, 2990-774
www.vrastan.ge
E-mail: vrastan.press@gmail.com

Գրանցման վկայական
№ 4 4 - 1439
«ԿՈԼՈՐ» հրատարակչություն

“ВРАСТАН”
Тбилиси, Грузия
«VRASTAN»
Georgia, Tbilisi
Индекс 66445